



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Meyeri S. Literarum Doct. & Prof. Uxor
Christiana Sive De Conjugio Inter Duos Deque Incestu Et
Divortiis, Dissertationes Tres**

Meier, Johannes

Amstelædami, 1688

Cap. V. & ultimum. Qua pœna polygamia sit afficienda?

urn:nbn:de:hbz:466:1-40272

CAPUT VI.

Qua poena afficienda Polygamia?

THESI XC. & ultima queritur Th. Aletheus, Carolum V. instinctu Nunciorum Apostolicorum primum capitem pœnam in polygamos promulgasse, a Concilio Tridentino postea Anathemate confirmatam. Clarissimus Carpzovius *Par. II. Pract. nov. q. 66. num. 15. seq.* varias refert Doctorum opiniones, qua pœna coercendum sit de *Jure civili* crimen digamiæ & polygamiæ. 1. quosdam opinari, stupri pœna afficiendos esse digamos, quæ sit publicatio dimidiæ partis bonorum, in personis honestis; castigatio vero corporis cum relegatione, in aliis vilis conditionis personis. 2. alios existimare, in bigamos, sive sint viri, sive foeminæ, capitaliter animadvertisendum, eosque gladii pœna afficiendos. 3. alios arbitrio judicis relinquere, quam pœnam pro facti & personarum qualitate decernere velit, quia certa pœna de jure civili definita non est. 4. quosdam arbitrari, in crimen bigamiæ pœnam adulterii obtinere; eamque ducenti duas uxores, vel nubenti duobus viris, infligendam esse. Uxorem duos viros habentem, virgis cæsam in monasterium detrudendam, virum vero bigamum fustigandum & relegandum esse. Quod probat ex *Novell. 117. Cap. II. Auct. hodie: C. de repud.* Sed pœna mortis afficiendos solummodo viros cum alienis uxoribus conjugatis concubentes, non uxores adulteras nec maritos ad foeminas solutas prolapsos. Huic sententiae ut verissimæ subscribit Carpzovius.

II. Addit tamen, hodie in Imperio Romano-Germ. sanctione Carolina bigamos capitaliter puniri, non modo pœna corporis afflictiva, sed mortis supplicio & pœna gladii; nec eo tantum casu pœnam capitalem locum habere, si quis alterius uxorem priori superinduxerit, *juxta Matt. Wesenbec.* sed & si quis solutam superinduxerit; & hanc sanctionem Carolinam in foro Saxonico etiam observandam esse. Fallere tamen hoc, dicit, 1. in bigamis, viro & uxore, qui conjugé adhuc superstite, cum aliis matrimonium contrixerunt, & per benedictionem sacerdotalem perfecerunt, copula tamen carnali non subsecuta. 2. fallere, in persona deserta. 3. fallere in persona, quæ conjugé ex justa causa absente, quem decessisse probabiliter creditit, secundum matrimonium contraxit. 4. fallere hoc

hoc in foemina soluta, quæ cum marito, qui uxorem habet, matrimonium contrahit & concubit. Tandem fallere in viro juvene, aut foemina soluta, qui quæve cum conjugata persona scienter quidem sponsalia contraxit, nondum tamen cum eadem concubuit. In hisce cessare poenam gladii, dicit.

III. Ita Clarissimi Viri Brunnemannus & Strykius de *Jure Ecclesiast.* lib. 11. Cap. XVI. §. 1. In imperio Romano huic criminis gladium dictari, probant *Crim. Artic.* 121. adeo ut intercessio & remissio Conjugis innocentis bigamos ab hoc suppicio non liberet *Carp. Prax. Cr. q. 66. n. 39.* Graviorem autem dubitationem videri, An concubitu nondum fecuto, licet copula sacerdotalis intervenerit, gladii poena cessaet, ex mente Caroli V. Dubitat. Cl. Strykius. Graviorem autem dubitationem videri, addit, an ex gratia Principis ultimi supplicii poena bigamo remitti possit? pleroque ad casus non dispensabiles hoc referre, cum gravius adulterio crimen bigamiam vocet Carolus V. Henricus Brouwer de *Jure Connub.* Lib. 11. c. v. §. 21. sq. non improbandam judicat Caroli V. criminalem constitutionem, eamque nonnullis Belgii provinciis placere, ex Ant. Matthæo probat.

IV. Ne & hic *ἀσύμβολο* esse videar, et si tacente Scriptura, vix quidquam adferri potest, quod huic difficultati occurrat, ad poenam gladii tamen festinandum non esse, absque necessitate, existimo. Mortis supplicium hic locum non habere, *Primo* probari posse videtur ex eo, quod Levit. xx. ubi poenæ incestus & reliquorum scelerum ac illicitarum nuptiarum commemorantur, nulla facta sit mentio poenæ, qua afficiendi sint transgressores commatis. *Lev. xviii. 11.* quod supra etiam ben Mosche Karæum observasse, vidimus. *Secundo* poena capitis ab ipso Deo in adulteros statuta est *Lev. xviii. 20. xx. 10. Deut. xxii. 22. Joh. viii. 5.* sed polygamia tolerata. Unde diversam utriusque criminis rationem esse, liquet; et si polygamia *vii. 11.* præcepto annumeretur. Ita inter alia Rev. J. Sylvio respondit Cl. Coccejus *Epistola xcvii. 11.* ad casum divortii: *me non nihil movet, quod Deus in lege toleravit polygamos, & viros pellicem habentes vel concubinam, eisque poenam capitis non irrogavit neque jussit ab eis uxores recedere: at uxoribus adulteris poenam capitis proposuit.* 3. Quia Apostoli, ut supra probatum, gentiles polygamos, ad Christiana Sacra accedentes, tolerarunt. Certe non tolerassent, si crimen foret, gladii vel mortis poena afficiendum.

V. Jus Hebræorum polygamos a Deo toleratos nulli poenæ subjecit

jecit. Si illis æque ac nobis pro peccato habita fuisset, procul dubio flagellis eam puniendam judicassent. Ita Maymonides *Tract. Sanhed.* Cap. xix. teste Seldeno de *Synedriis lib. II. Cap. XIII. §. 8.* docet, concubentem cum uxoris sorore Lev. xviii. 18. (quam legem de polygamia exposui,) item cum meretrice; virginem comprimentem, eamque divortio ejectam non recipientem; Infamiam uxori quasi divortio ejecta inferentem, nec eam recipientem; & Regem multiplicantem sibi uxores, hos omnes verberandos & flagellis puniendos fuisse. Conf. Maym. *Isuri Biah. Cap. I.*

VI. Hac igitur similive arbitraria poena, pro ratione circumstan-
tiarum, meo Judicio polygamia quoque affici potest. Et tantum
abest, ut ex gratia Principis ultimi supplicii poenam bigamo remitti
posse, dubitem, ut solam polygamiam, nisi alia crimina accesse-
rint, morte puniendam non esse putem. Quemadmodum *Facul-*
tas Juridica Viadrina, hac de re consulta 28. Ian. 1670. poenam bi-
gamiæ capitalem, non esse juris divini, & quæ jure divino non est
dictata, remitti posse, accurate respondit; quod *Responsum Ce-*
leb. Strykius l. c. subnectit.

Prima Dissertationis Finis.

SOLI DEO GLORIA ET GRATIAE.

INDEX